

1255

Na osnovu člana 27. stava 4. Zakona o Fondu za zaštitu okoliša Federacije Bosne i Hercegovine ("Službene novine Federacije BiH", broj 33/03) i člana 44. stav 3. Statuta Fonda za zaštitu okoliša Federacije Bosne i Hercegovine ("Službene novine Federacije BiH", broj 33/06), Upravni odbor Fonda za zaštitu okoliša Federacije Bosne i Hercegovine na prijedlog direktora Fonda i uz saglasnost Federalnog ministarstva okoliša i turizma, na 8. sjednici održanoj dana 28.09.2017. godine, donio je

**PRAVILNIK
O MJERILIMA ZA OCJENJIVANJE ZAHTEJVA ZA
DODJELU SREDSTAVA FONDA, ODNOSNO
PROGRAMA, PROJEKATA I SLIČNIH AKTIVNOSTI**

Član 1.

Ovim Pravilnikom propisuju se kriteriji i mjerila za ocjenjivanje zahtjeva za dodjeljivanje sredstava Fonda.

Član 2.

Prijave za dodjelu sredstava Fonda ocjenjuju se prema kriterijima i mjerilima propisanim ovim Pravilnikom i konkursom.

Član 3.

Prva faza ocjene prijava koju provodi Komisija za stručnu ocjenu prijava podrazumijeva pregled ispunjenosti minimalnih uslova prijave, prema sljedećim osnovnim kriterijima:

Osnovni kriteriji	Zadovoljava zadane kriterije (DA/NE)	Napomena (kratak opis specifičnosti)
1 Usklađenost sa temom/programskom aktivnošću/temom LOT-a		
2 Vlastito učešće u skladu sa traženim konkursom		
3 Kompletan dodatna obavezna dokumentacija		
Projekt zadovoljava minimalne uvjete		
Prolaznost		

Prijave koje ispunjavaju sve minimalne uslove se dalje stručno boduju prema sljedećim kriterijima:

Kriterij	Broj bodova
1 Kvalitet i relevantnost projekta (pripremljenost): usklađena i dobro definirana stručna priroda projekta/ plana, stepen spremnosti za početak radova (Pribavljene saglasnosti i dozvole, urađen tender, status procedure nabavke, izbora izvođača usluga, radova, detaljan program aktivnosti koje sami provode i sl.) usklađenost sa relevantnim strategijama, usklađenost s prioritarnim područjima, detaljan akcioni plan i razrađena metodologija, jasno definirani očekivani rezultati i efekti projekta, jasno definirani ciljevi i krajnji korisnici	do 20 bodova
Potkriteriji za 1. 1.a Usklađena i dobro definirana stručna priroda projekta/ plana 1.b Stepennost za početak radova (Pribavljene saglasnosti i dozvole, urađen tender, odabran izvođač usluga, radova, detaljan program aktivnosti koje sami provode i sl.) 1.c Usklađenost sa relevantnim strategijama i prioritarnim područjima 1.d Jasno definirani očekivani rezultati i efekti projekta, te ciljevi i krajnji korisnici	
2 Kapaciteti aplikanta koji podnosi zahtjev za realizaciju projekta: ocjena ljudskih resursa predviđenih za projekat – stručnost, angažiranje vanjskih konsultanata/stručnjaka, reference aplikanta i navedenih partnera u pogledu realizacije projekata zaštite okoliša i	do 5 bodova

Potkriteriji za 2.	energijske efikasnosti 2.a ocjena kadrovskih resursa aplikanta predviđenih za projekat - stručnost 2.b Reference aplikanta i navedenih partnera u pogledu realizacije projekata zaštite okoliša i ee	
3	Stepen povoljnog uticaja na okoliš i održivost projekta: održivi razvoj/ očekivano poboljšanje kvaliteta okoliša, širi korisni uticaj projekta na okruženje institucionalna, okolišna održivost i uticaj na javne politike, cjelovit pristup aplikanta u rješavanju pojedinih pitanja zaštite okoliša i EE, projekt je dio većeg okolišnog projekta sa dokazanim budućim razvojem i implementacijom rezultata projekta, ispunjenje međunarodnih obaveza/stepen prioriteta iz programa zaštite okoliša, kvalitet ponuđene ideje, kvalitet ponuđenog tehnološkog rješenja, primjena najboljih praksi u odgovarajućem području u rješavanju problema.	do 15 bodova
Potkriteriji za 3.	3.a Održivi razvoj i očekivano poboljšanje kvaliteta okoliša. 3.b Cjelovit pristup aplikanta u rješavanju pojedinih pitanja zaštite okoliša i EE 3.c Projekt je dio većeg okolišnog projekta sa dokazanim budućim razvojem i implementacijom rezultata projekta 3.d Ispunjenje međunarodnih obaveza/stepen prioriteta iz programa zaštite okoliša 3.e Kvalitet ponuđene ideje, kvalitet ponuđenog tehnološkog rješenja, primjena najboljih praksi u odgovarajućem području u rješavanju problema	
4	Socio-ekološki pokazatelji i stepen ugroženosti okoliša: značaj projekta i očekivanih rezultata predloženog projekta na smanjenje onečišćenja okoliša i negativnog utjecaja na okoliš, na zaštićena područja i ekološki značajna područja, na zaštitu biodiverziteta, te uticaja na život i zdravlje stanovnika, doprinos poboljšanju kvaliteta života i stanovanja.	do 10 bodova
Potkriteriji za 4.	4.a Zaštićena područja, zaštićene biljne i životinjske vrste, ekološki značajna područja 4.b Poboljšanje sanitarno – okolišnih uvjeta područja doprinos poboljšanju kvaliteta života i stanovanja-jasno navedeno područje uticaja	
5	Finansijska ocjena projekta: detaljna struktura troškova, dokazi o izvedivosti projekta – detaljan finansijski plan, priloženi dokazi o zatvaranju finansijske konstrukcije, dokazivost i potkrijepljenost investicije	do 20 bodova
Potkriteriji za 5.	5.a Dokazi o izvedivosti projekta – detaljan finansijski plan 5.b Detaljna struktura troškova 5.c Dokazi o zatvaranju finansijske konstrukcije	
UKUPAN BROJ BODOVA		70

Da bi bila stručno prihvatljiva, prijava treba da bude ocijenjena sa minimalno 49 bodova, dok maksimalan broj bodova koji može biti dodijeljen od strane Komisije za stručnu ocjenu prijava iznosi 70.

Član 4.

Kriteriji na osnovu kojih direktor, nakon obavljenih konsultacija sa pomoćnicima, vrši daljnje bodovanje prijava koje zadovoljavaju stručne kriterije, su sljedeći:

RB	Opis kriterija:	Broj bodova
1.	Razvojni kriterij: Projekt od važnosti za razvoj područja na koje se odnosi, povećanje zaposlenosti, podizanja standarda življenja, poticanje razvoja malih i srednjih preduzeća i sl. Ovim kriterijem se također nastoji dati određena prednost projektima na slabo razvijenim područjima, odnosno slabo razvijenim lokalnim zajednicama koje nemaju kapacitete da vlastitim sredstvima finansiraju okolišne, infrastrukturne projekte. Također, posebna pažnja se daje projektima za koje postoje saznanja da su od važnosti za šira područja ili regije. Koeficijenti se dodjeljuju prema procjeni uticaja projekta na opći razvoj, unaprijeđenje i održivost privrede, povećanje broja zaposlenih, a sve u vezi sa provođenjem okolišnih projekata.	do 15 bodova
2.	Disperzna raspodjela sredstava po kantonima: Ovim kriterijem ocjenjuju se projektne lokacije koje trebaju biti raspoređene tako da je zastupljena cijela Federacija BiH, tj. da se obuhvate kvalitetni projekti iz svih kantona, kao i projekti koji se odnose na područje više kantona, odnosno FBiH. Osnov za bodovanje je rang lista stručne komisije za konkurs/svaki LOT po kantonima. Pri bodovanju se vodi računa i o ostvarenom prihodu Fonda na temelju priliva iz pojedinih kantona, a za prethodnu godinu.	do 10 bodova
2	Dosadašnje iskustvo Fonda sa aplikantom: Ocjena aplikanta u smislu dosadašnjeg iskustva u korištenju sredstava Fonda. Ažurnost i efikasnost u provođenju projekata se ocjenjuje na temelju podataka stručnih, pravnih i finansijskih službi Fonda. Ovim kriterijem se ne smiju oštetiti aplikanti koji se prvi put javljaju prema Fondu.	do 5 bodova
UKUPAN BROJ BODOVA		30

Maksimalan broj bodova koji direktor može dodijeliti projektu je 30.

Ukupni broj bodova projekta predstavlja zbir bodova dodijeljenih od strane Komisije za stručnu ocjenu prijave i bodova dodijeljenih od strane direktora. Da bi projekt bio prihvatljiv za finansiranje treba imati minimalno 70 bodova.

Najveći broj bodova koji se može dodijeliti korisniku sredstava Fonda prema odredbama člana 3. i 4. ovog Pravilnika iznosi 100 bodova.

Član 5.

Na temelju ocjene prijava prema kriterijima i mjerilima iz člana 3. i 4. ovog Pravilnika i ostvarenom broju bodova zaprimljeni zahtjevi svrstavaju se na listu s obzirom na broj ostvarenih bodova.

Odluku o dodjeli sredstava Fonda na temelju objavljenog konkursa donosi Upravni odbor na prijedlog direktora.

Član 6.

Ovaj Pravilnik stupa na snagu danom objavljivanja u "Službenim novinama Federacije BiH".

Stupanjem na snagu ovog Pravilnika, prestaje da važi Pravilnik o mjerilima za ocjenjivanje zahtjeva za dodjelu sredstava Fonda, odnosno programa, projekata i sličnih aktivnosti ("Službene novine Federacije BiH", broj 73/10).

Broj UO-01-3-6-8-4b/2017
28. septembra/rujna 2017. godine
Sarajevo

Predsjednik
Upravnog odbora
Mr. **Pero M. Goluža**, s. r.
(SI-1110/17-F)

JП "БИТ ЦЕНТАР" Д.О.О. У ТУЗЛИ

1256

Na osnovu člana 234. m) i 271. Zakona o privrednim društvima ("Službene novine Federacije BiH", broj 81/15), člana 8. tačka d. Zakona o javnim preduzećima u Federaciji Bosne i Hercegovine ("Službene novine Federacije BiH", broj 8/05, 81/08, 22/09 i 109/12), člana 26. tačka 14. Statuta JP "BIT Centar" d.o.o. u Tuzli (broj 001/09 od 12.11.2009. godine do 387/16 od 30.06.2016. godine), a u vezi sa zaključkom Nadzornog odbora JP "BIT Centar" d.o.o. u Tuzli broj 446/17/2 od 24.08.2017. godine, Skupština Društva, na svojoj 15. sjednici održanoj dana 08.09.2017. godine, donosi

ODLUKU

O IZBORU I IMENOVANJU ČLANOVA ODBORA ZA REVIZIJU JP "BIT CENTAR" D.O.O. U TUZLI

Član 1.

Imenuju se članovi Odbora za reviziju JP "BIT Centar" d.o.o. u Tuzli i to:

1. Safet Husanović,
2. Damir Tucaković,
3. Denis Memić.

Član 2.

Članovi Odbora za reviziju imenuju se na period od četiri godine počev od 01.10.2017. godine.

Član 3.

Ovlašćuje se direktor JP "BIT Centar" d.o.o. u Tuzli da sa članovima Odbora za reviziju zaključi pojedinačne ugovore kojima će se regulisati međusobna prava i obaveze.

Član 4.

Ova Odluka stupa na snagu danom donošenja, a objavit će se u "Službenim novinama Federacije BiH".

Broj 469/17
08. septembra/rujna 2017. godine
(SI-1094/17-F)

Predsjedavajući Skupštine
JP "BIT Centar" d.o.o. u Tuzli
Jusuf Žigić, s. r.

JУ ЦЕНТАР ЗА СОЦИЈАЛНИ РАД БИХАЋ

1257

Na osnovu člana 40. alineja 2. Pravila JU Centar za socijalni rad Bihać i zaključka Gradskog vijeća Bihać br. GV-05-6180 od 11.09.2017. godine, a u vezi sa članom 12. Zakona o ministarskim, vladinim i drugim imenovanjima FBiH ("Službene novine Federacije BiH", br. 12/03, 34/03 i 65/13), Upravni odbor JU Centar za socijalni rad Bihać, na svojoj sjednici održanoj dana 15.09.2017. godine, donosi

ODLUKU

O KONAČNOM IMENOVANJU DIREKTORA JU CENTAR ZA SOCIJALNI RAD BIHAĆ

I.

Ovom Odlukom Upravni odbor JU Centar za socijalni rad Bihać odlučuje o konačnom imenovanju direktora JU Centar za socijalni rad Bihać na period od četiri (4) godine, bez ograničenja.

II.

Na dužnost direktora JU Centar za socijalni rad Bihać imenuje se Tutić (Hrustan) Senad, diplomirani kriminalista.

III.

Odluka stupa na snagu danom donošenja, a primjenjivat će se od 20.09.2017. godine, te će se objaviti u "Službenim novinama Federacije BiH" i "Službenom glasniku Grada Bihaća".

Broj 01-35-2026-1-I/17
15. septembra/rujna 2017. godine
(SI-1106/17-F)

Predsjednik
Upravnog odbora
Merima Felić-Lalić, s. r.